

luy rendois son fils? & quand elle le rameneroit? Le luy respōdis que depuis la venuë des vaisseaux, ie l'auois toujours veu en crainte qu'on ne l'enuoyast en France, nonobstāt les assurances que ie luy auois baillé qu'il n'iroit point: & pour luy monstrier que nous estions veritables, cōme aussi pour luy oster toute crainte que nous luy remettons entre les mains: qu'aussi-tost que ie scaurois la langue, & que nous serios bastis, que nous le reprendrions avec plusieurs autres. Au bout du compte la principale raison qui m'a induit à luy rendre, est que i'apprehendois qu'elle ne l'emmenast à nostre desceu: car alors elle eut forgé mille menteries parmy les Sauvages pour se couvrir: & comme ie ne scay pas bien la langue, ie n'eusse peu nous iustifier: ce qui auroit induit les Sauvages à nous refuser leurs enfans quand il sera temps